

# In die eg verbind



Johané Keogh, oudste dogter van John en Rita Keogh, oudleerling van Eendracht Volksskool Heilbron, is op 14 Maart 2020 in die huwelik bevestig met Gerhard van Tonder, oudleerling van Hoërskool Heilbron. Gerhard is die seun van Cobus en Rina van Tonder. Beide ouerpaartjies is bekend aan Heilbron inwoners. Die seremonie en onthaal is gehou by Lions Lake naby Frankfort. Die paartjie vestig hulself in Moreleta Park, Pretoria. Johané gaan voort as onderwyser by 'n privaat kleuterskool en Gerhard werk as strukturele tekenaar by 'n ingenieursfirma.

# Heilbronner op werklikheidsreeks

Antonio Angelo Pienaar is 'n 27-jarige professionele model en sakeman en eie aan die Heilbron-gemeenskap. Hy het onlangs aan 'n werklikheidsreeks genaamd "Trap! Dis My Huis!" deelgeneem wat op VIA (DStv 147) uitgesaai is en vrygestel is op 16 Januarie 2020. Zoë Brown en Amalia Uys het die program aangebied waartydens 50 vreemdelinge 'n klein tweeslaapkamer huis moes deel wat toegrus is met kos, toiletware en beddegoed vir slegs twee mense. Elke deelnemer kon slegs 'n beperkte grootte krat saamneem en slegs vier uitrustings was toegelaat waarby slaapklerie en warm klere ingesluit is. Daarby kon jy twee stelle onderklere saamneem, of 'n ekstra paar kouse indien jy nie 'n bra nodig nie. Verder kon elkeen voorskryfmedikasie, 'n tandeborsel, 'n pak sigarette en grimering saamneem. Deelnemers was belet om handdoeke, waslappe of toiletware saam te neem, aangesien die produksiespan die nodige sou verskaf. 'n Kam of borsel was ook toegelaat, maar sonbrille en hoede was 'n taboe. Antonio is as gevolg van sy modelwerk gewoon daaraan om vir weke lank met die minimum in 'n tas klaar te kom en het alles by hom gehad wat hy nodig het. Indien hy iets in sy krat kon uitruil, sou dit definitief sy swembroek wees vir 'n handdoek. Die huis moes gedeel word vir 'n tydperk van drie weke met R1 miljoen rand op die spel vir die wat die langste in die huis agterbly. Dit was nie net die beproewing om saam te leef nie, maar deelnemers kon mekaar uitstem en verskeie speletjies was aangebied om jouself veilig te maak van eliminasië. Die program is steeds aan die gang en Antonio is saam met Lally van Montana uitgestem, slegs drie episodes vanaf die finaal, in episode 10 deel met 14 mense oor. Na sy opinie was die huis van dag een af 'n malhuis, maar oor die algemeen groot pret. Hy vertel dat kos nie net min was nie, maar ander goed soos ligte wat permanent aan was, was sielodend. Nadat die eerste koekie seep klaar was, moes die deelnemers met skottelgoedseep klaarkom. Soms het die inwoners uit pure verveeldheid gebad of gestort "en almal het basies met dieselfde twee handdoeke daaglikse hande, hare en nate afgedroog". In die oggende kon jy kies om bitter, flou swart tee te geniet met suikervrye mieliepap. Antonio vertel dat hierdie tipe eskapades die "konkryt in jou ken" goed uittoets. Antonio was elke ronde in die eliminasiëgroep en moes sy strategie gereeld aanpas om geld te wen vir die boerpot om homself veilig te maak – wat hom 'n groter teiken gemaak het, omdat hy

goed was daarmee. Die deelnemers het gewet Antonio sou nie self "trap" en die huis verlaat nie, maar hy was nie bereid om leuens te vertel vir 'n beter spel nie. Hy wou homself nie met sulke tipe eienskappe vereenselwig nie, nie eens vir 'n spel nie. Kort voor Antonio uitgestem is, was daar 'n spel om weer geld in die boerpot terug te sit en ander items te wen. Hy het meer as R20 000 vir die huis terug-gewen, maar die gebaar het hom nie beveilig nie en Antonio is daarna uitgestem. Indien hy dit tot die einde sou maak, sou hy die geld gebruik om in sy drie besighede te belê en die tydperk om sy doelwitte te bereik te versnel. Hy sou wel vir die lekker die geld gebruik om vir hom 'n trampolien te koop. Ongelukkig het dit nie so uitgedraai nie, en wens Antonio die boerpot vir Blue of Marike toe, veral Marike, weens hulle 'n nabye vriendskap gebou het en glo sy is oor die algemeen "'n solid human being". Die tyd in die huis was vir hom baie uitdagend in die sin daarvan om ingeperk te moes leef en 'n lang tyd weg van groen gras en vars buitelig te wees.



Antonio saam met Lally, sy medespeler, by die naaste restaurant waar hulle, nadat hulle uitgestem is tot laat gekuier het, om op te maak vir al die rooivleis en koek wat hulle vir amper drie weke nie kon geniet nie.

Anders as die tekort aan sout, het hy die spel geniet en om te sien hoe ver die harde omstandighede spelers buite hulle gemaksone dryf. Dit is belangrik om te weet waarvoor jy jouself inlaat en te verstaan waartoe mense in staat kan wees. Die spel is uiters fassinerend en die "meldtdowns", trane en bakleiery het regdeur elke episode sover mense se aandag behou.



## NOU IS DIE TYD!

Belê in meerdoelige lynwol Letelle Stoeitramme!



RAMME SE GEMIDDELDE

- Mikron 19
- CF 99 plus
- Skoon opbrengs 59%
- Treksterkte 40%



6  
GEKEURDE,

prestasie getoetste jong ramme met 100 jaar se lyn en Inteling agtergrond. Groepparing met objektiewe melngs as riglyne van goeie moedersienskappe.

KONTAK BESONDERHEDE: 083 644 0094 | tomw@heilbron.co.za

SKAKEL U NAASTE BEMARKER VIR INSKRYWINGS EN MEER INLIGTING




BKB Louwid FRANKFORT  
het hierdie DONDERDAG  
veiling onder streng COVID-19  
veiligheidsmaatreëls

Slegs KOPERS sal toegelaat word op perseel. VERKOPERS sal direk met BEMARKERS kan kommunikeer tydens veiling of reserwe pryse vooraf kan deurgee.

Gert Burger 082 822 1952 - Boris Lindé 079 679 1718  
Piet Boshoff 083 210 7125 - Jacques Meyer 076 691 0694  
Wendal Vorster 082 565 1369